

Horum significatio hæc est: prima dictio tribuitur Ianuario,
2. Februario, 3. Martio & sic consequenter reliquæ reliquis
mensibus. Cum igitur sol singulis mensibus nouum signum
ingrediatur; Martio Arietem, Aprili taurum & sic deinceps: ut
scire possis quo die mensis sol ingrediatur signa quævis, accipe
dictionem illi mensi correspondentem & vide quotum locum
prima litera illius dictionis in Alphabeto occupet, ille enim
numerus ablatus ex 30. (tot siquidem gradus continet quodlibet signū) relinquit diem, quo sol ingreditur signū illo mense.
Exempli gratia. Sol ingreditur libram, septimum signum ab
ariete, mense Septembri, qui septimus est à martio, cui mensi,
quia nonus est à Ianuario, respondet dictio nona, nempe Gra-
tus, cuius prima litera G, septima est in Alphabeto; ablatis igitur 7. ex 30. remanent 23: eo igitur die Septembribus ingreditur
sol libram.

Quod si nunc per easdem dictiones scire velis locum solis
seu, quod idem est, gradum Ecclipticæ, quem sol quolibet die
mensis occupat, sume dictionem mensi proposito accommoda-
tam, & vide quotum locum eius prima litera in Alphabeto te-
neat, tot unitates adde ad diem mensis propositum, & si nu-
merus conflatus minor sit quam 30. indicabit is gradum signi
antecedentis; si verò maior quam 30, abiectis 30, reliquus nu-
merus ostendet gradum signi mensis propositi. Si denique
nummerus conflatus præcisè fuerit 30, sol existet in fine signi
mensis præcedentis & in principio signi mensis sequentis.
Exempli gratia. Scire cupio locum solis ad diem 13. Iunij, cui
mensi, quia sextus est à Ianuario, debetur sexta dictio horret,
cuius prima litera H, octaua est in Alphabeto, additis igitur 8.
ad 13. fiunt 21, qui numerus minore est quam 30. Sol igitur die
13. Iunij existit in gradu 21. Geminor; quod signum solingredi-
tur mense Maio præcedente. Rursus ad diem 27. Iunij additis
8, fiunt 35, qui numerus maiore est quam 30, ablatis igitur 30,
rema-